

խնդրէին Հայք, և նորա կատարեալ զխնդիր նորին յղեաց զայն 'ի ձեռն զինակրի միոյ իշխանին 'ի Յուզպէ . այլ նորա ոչ ինչ գիտացեալ զիրացն, եթող անդ զգրեանս՝ և դարձ արար յնգիպտոս :

Իսկ Գրիգոր Պատրիարք՝ աւուրբք յառաջ գնացեալ էր յուխտ ընդ միաբանս իւր 'ի գերեզման Ս . Աստուածածնի յաւուր տօնի Ս . Ստեփաննոսի, և 'ի դարձի իւրում եգիտ զթղթարերն ժամանեալ, և ընթերցաւ առաջի միաբանաց զթուղթս Պատրիարքին և գլխաւորաց աղբին, և ծանեան զհանգամանս իրաց՝ զաղմուկն և զխռովութիւնն Յունաց՝ զորս անցուցեալ էին 'ի թագաւորեալ քաղաքին . թէպէտ եւ լցան յայնժամ միաբանք տրամութեամբ՝ այլ Գրիգոր քաջալերեալ խրախուսեաց զնոսա չվճատիլ իբրեւ վատասիրտ, այլ արիանալ և աշխատիլ խոհեմութեամբ և զգօնութեամբ, և մի երբէք հանել զբանն 'ի վեր՝ զի մի լուրցեն Յոյնք՝ և ճեզքեցոյի քաղաքն, և լինիցին խոչ գործոյն՝ զի թէպէտ բարեկամք մեր են ասէ՝ այլ յայտնի է բնաւորութիւն նոցին . եթէ հնար լինի՝ դրամով վաճառեն զորգիս և զընտանիս իւրեանց :

Իսկ Յոյնք 'ի Կոստանդինուպօլիս եղին հարկս 'ի վերայ ժողովրդոց և կրօնակցաց իւրեանց, և ժողովեցին զայն բունի մինչեւ 'ի յետին չքաւոր աղքատաց, 'ի պէտս ծախուց իւրեանց . նմին իրի ոչ իշխեցին խլրտիլ յերուսաղէմ 'ի խափանումն գործոյն, և հայեցեալ յայնչափ ծախս դրամոց՝ տակաւին ոչ գիտէին թէ 'ի յաջողութեան իցեն՝ և թէ 'ի ձախողութեան, անտեղեակ էին և 'ի գալտտենէ զինակրին, մինչեւ եկին դրեանք նոցին, յորոց ծանեան զամենայն հանգամանս գործոյն՝ զի և նոքա խնդրեալ էին հանրագրութիւն յերուսաղէմէ, սակայն կարի անագան ժամանեցին դրեանք նոցին փայլեալ :

Այլ յորժամ լու եղեւ 'ի քաղաքին թէ Հայք պատրաստեցին զկարեւոր գրեանս՝ բորբոքեցաւ թարգմանն Յունաց Կեսարիոս, և դիմեաց զայրագին առ դատաւորն, և աղաղակ բարձեալ գոչէր, թէ ընդէ՞ր ետուր գիր Հայոց . բայց դատաւորն արբոյց նմա զբաժակն դաւնութեան, զի ես ասէ ըստ մտաց հին հրովարտակաց նոցին ետու զգիրն, մի՞թէ սասցի ինչ, և և իշտամբեալ զնա եհան արտաքս :